

Қазақстан Республикасының Сот әкімшілігі

Қазақстан Республикасы Жоғарғы
Сотының жанындағы Соттардың
қызметін қамтамасыз ету
департаменті (Қазақстан
Республикасы Жоғарғы Соты
аппаратының) басшысының м.а.
2019 жылғы 11 ақпандағы № 1
бұйрығы. Қазақстан
Республикасының Әділет
министрлігінде 2019 жылғы 14
ақпанда № 18306 болып тіркелді

Судебная администрация Республики Казахстан

**«Сот отырысының барысын түсіріп алуды қамтамасыз ететін аудио-,
бейнежазба құралдарын техникалық қолдану, аудио-, бейнежазбаны сақтау
және жою, аудио-, бейнежазбаға қол жеткізу қағидаларын бекіту туралы»
Қазақстан Республикасы Жоғарғы Сотының жанындағы Соттардың
қызметін қамтамасыз ету департаменті (Қазақстан Республикасы Жоғарғы
Соты аппараты) басшысының 2015 жылғы
24 қарашадағы № 6001-15-7-6/486 бұйрығына өзгерістер енгізу туралы**

Қазақстан Республикасы Президентінің 2010 жылғы 3 қарашадағы № 1093
Жарлығымен бекітілген Қазақстан Республикасы Жоғарғы Сотының жанындағы
Соттардың қызметін қамтамасыз ету департаменті (Қазақстан Республикасы
Жоғарғы Соты аппараты) туралы ереженің 6-тармағына сәйкес, **БҰЙЫРАМЫН:**

1. «Сот отырысының барысын түсіріп алуды қамтамасыз ететін аудио-,
бейнежазба құралдарын техникалық қолдану, аудио-, бейнежазбаны сақтау және
жою, аудио-, бейнежазбаға қол жеткізу қағидаларын бекіту туралы» Қазақстан
Республикасы Жоғарғы Сотының жанындағы Соттардың қызметін қамтамасыз
ету департаменті (Қазақстан Республикасы Жоғарғы Соты аппараты)
басшысының 2015 жылғы 24 қарашадағы № 6001-15-7-6/486 (Нормативтік
құқықтық актілердің мемлекеттік реестрінде № 12457 болып тіркелген, «Әділет»
ақпараттық-құқықтық жүйесінде 2015 жылғы
25 желтоқсанда жарияланған) бұйрығына мынадай өзгерістер енгізілсін:



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код

ҚР НҚА ЭББ-гі нақты
құжатқа сілтеу QR-коды

бұйрықтың кіріспесі мынадай редакцияда жазылсын:

«2015 жылғы 31 қазандағы Қазақстан Республикасын Азаматтық процестік кодексінің 282-бабының бесінші бөлігіне, 2014 жылғы 4 шілдедегі Қазақстан Республикасы Қылмыстық-процестік кодексінің 347-1-бабының бесінші бөлігіне, 2014 жылғы 5 шілдедегі Қазақстан Республикасы Әкімшілік құқық бұзушылық туралы кодексінің 829-13-бабының бесінші бөлігіне сәйкес, **БҰЙЫРАМЫН:**»;

көрсетілген бұйрықпен бекітілген Сот отырысының барысын түсіріп алуды қамтамасыз ететін аудио-, бейнежазба құралдарын техникалық қолдану, аудио-, бейнежазбаны сақтау және жою, аудио-, бейнежазбаға қол жеткізу қағидаларында:

12-тармақ мынадай редакцияда жазылсын:

«12. Сот отырысының хатшысы сот отырысының аудио-, бейнежазбасын, аудио-, бейнежазба құралдарымен қамтамасыз етеді, оның барысында міндетті түрде сот процесіне әрбір қатысушының сөз сөйлеуін тіркейтін дыбыс белгісін, сондай-ақ қысқаша хаттамадан кейін тізімдемеде көрсетіле отырып, іс материалдарына қоса тіркелетін бір данада материалдық (электрондық) жеткізгіштегі көшірменің жазбасын қояды.».

2. Қазақстан Республикасы Жоғарғы Сотының жанындағы Соттардың қызметін қамтамасыз ету департаментінің (Қазақстан Республикасы Жоғарғы Соты аппаратының) Жергілікті соттардың және кеңселердің қызметін ұйымдастырушылық-құқықтық қамтамасыз ету бөлімі:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық мемлекеттік тіркелген күннен бастап күнтізбелік он күн ішінде оның қазақ және орыс тілдеріндегі қағаз және электрондық түрдегі көшірмелерін ресми жариялау және Қазақстан Республикасы нормативтік құқықтық актілерінің эталондық бақылау банкіне енгізу үшін Қазақстан Республикасы Әділет министірлігінің «Республикалық құқықтық ақпарат орталығы» Шаруашылық жүргізу құқығындағы республикалық мемлекеттік кәсіпорнына жіберуді;

3) осы бұйрықты Қазақстан Республикасы Жоғарғы Сотының ресми интернет-ресурсында орналастыруды қамтамасыз етсін.

3. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

**Қазақстан Республикасы Жоғарғы
Сотының жанындағы Соттардың
қызметін қамтамасыз ету департаменті
(Қазақстан Республикасы Жоғарғы
Соты аппараты) басшысының м.а.**

Қ.Елібаев